

Հոռոգի կամ հեծելվորի ստացած թոշակի շափի մասին արաբական պատմիչ Աբուլֆեղան գրում է, որ հայոց մոտ սովորություն էր ձիավորին տալ ոտճիկ տարեկան 12 ոսկի, իսկ հետեակին 3 ոսկի և որ այդպես էր անում Գոգ Վասիլ իշխանի այրի տիկինը իր ամուսնու մահվանից հետո⁶⁰:

Ֆեոդալական Եվրոպայում 13—14-րդ դդ. երկարատև պատերազմների ժամանակաշրջանում (Հարյուրամյա պատերազմը) ստիպված էին պահել մշտական բանակ. բնդ որում վասալի զինվորական ծառայության նախկին պայմաններն այլևս բավարար չէին: Վերջինս սենյորից ստացած պարզեական հողի կամ ֆեոդի դիմաց որոշ ժամանակ մնում էր զինվորական ծառայության մեջ: Այս պայմաններում մանր հողատերերից սկսեցին գանձել ոսգմական հարկ, որը Արևմտյան Եվրոպայում կոչվում էր scutage կամ escuage, որը զինվորական պարտույթ էր⁶¹: Հայտնի է, որ Կիրիկիան նույնպես, սկսած 13-րդ դարի երկրորդ կեսից մինչև 1375 թիվը, երբ այն կործանվեց, ստիպված էր պահել մշտական բանակ՝ դիմակալելու համար արտաքին թշնամիների մըշտական հարձակումները: Բացի այդ, որպես մոնղոլների դաշնակից, պարտավորված մասնակցում էր մոնղոլների՝ Միրիայի և Միչադետրի պարբերաբար կրկնվող ոսգմական արշավանքներին: Ինչպես ազբյուրներն են հաղորդում, Կիրիկիան այդ արշավանքներին մասնակցում էր մշտական բանակով, որի թիվը հասնում էր 62 հազարի, որից 12 հազար հեծելվոր-ձիավորներ, իսկ 50 հազարը հետեակ⁶²: Այդպիսի մշտական բանակ պահելու համար Կիրիկիայի թագավորը և ֆեոդալ իշխանները մանր հողատերերից սկսեցին գանձել servitium ոսգմական հարկը⁶³, որով հեծելվոր լիճ ճորտը պարտավորվում էր ոսգմական ծառայություն կատարել և որը նման էր Արևմտյան Եվրոպայի վերոհիշյալ զինվորական պարտույթին: Թեև այս հարկի մասին անմիջական վկայություններ չկան հայ մատենագրական աղբյուրներում, սակայն մեր կարծիքով Սրմբատի «Դատաստանագրքի» 126-րդ հոդվածի «նույնպես ոչ ձի, ոչ սիլահ», չի կարող գրավ դնել, «զի կովոյ և ծառութեան ի պետք է ի պարոնութեանն ի կարիքն»⁶⁴ հատվածը, շատ հավանական է, որ վերաբերում է զինվորական հարկին՝ վերևում հիշատակված servitium-ին:

Այսպիսով, Կիրիկիայի հայկական թագավորության զխավոր ոսգմական հենարանը հանդիսանում էին բազմաքանակ հողատեր ազատները՝ ձիավոր-հեծելվորները, որոնք կազմում էին Կիրիկիայի բանակի կորիզը՝ հայոց հեծյալը, որոնք զինվորական ծառայության դիմաց, բացի ֆեոդ-կալվածքից, սենյորից ստանում էին հոռոգ-ոտճիկը և արշավանքի ժամանակ ձեռք բերված ոսգմական ավարի կամ ոսգմագերիներից ստացված փրկագնի մի մասը: Նրանք խաղաղ պայմաններում ապրում էին ֆեոդ-կալվածքներում, պարապում էին երկրագործությամբ՝ շահագործելով կախյալ ճորտ գյուղացիներին:

Բացի վերոհիշյալ ոսգմական ծառայությունից, որպես սենյորի վասսալներ, ձիավոր ասպետները արևմտաեվրոպական ասպետների նման կատա-

⁶⁰ Ղ. Ալիշան, Միտան, էջ 484:

⁶¹ Encyclopaedia Britannica, Tome 6, p. 779.

⁶² Documents Armeniens, Paris, 1906, T. II, p. 170—171. Տե՛ս նույնպես Ղ. Ալիշան, էջ 554: Tournebieze. Histoire politique et religieuse de L'Arménie, p. 210—212. Վարդան Մեծ, Պատմութիւն տիեզերական, վենետիկ, 1862, էջ 151—152:

⁶³ V, Langlois, Le trésor des chartes d'Arménie, p. 107.

⁶⁴ С м бат С пар апет, Судебник, стр. 116.